

Yarpäshun imata yachakushqantsitapis


- Yachakushqantsi Tayta Diosman yäraquq runa Jesucristuta chaskikushqanta.
- Yachakushqantsi Tayta Diosman yäraquq runa pay munashqanno kawashqanta.
- Yachakushqantsi Tayta Diosman yäraquq runa paypa palabrantata yachakushqanta.
- Yachakushqantsi Tayta Diosman yäraquq runa payta manakushqanta.
- Yachakushqantsi Tayta Diosman yäraquq runa yäraquq mayinkunawan juntakashqanta.
- Yachakushqantsi Tayta Diosman yäraquq runa Diospa wilakuyninta runa mayinta wilapashqanta.
- Yachakushqantsi payman yäraquq runaqa Jesucristutami chaskikun.

Tayta Diosman yäraquq imano kawanantsipaq kashqanpis

Wakin runakuna Tayta Diosman yäraquq kashqanta nirpis manami musyantsu imano kawanantsipaq kashqanta. Tsayta yachakunantsipaq Tayta Diosman yäraquq runata ruédaman tinkutsishun.

Chawpin: Jesucristuta chaskikushun

Tayta Diosman yäraquq runaqa Jesucristutami chaskikun.



Ruëda chawpincho cübu y éji mana kaptin manami tumayta kamäpakuntsu. Tsaynölami Jesucristuta mana chaskikurqa Tayta Diosman yäraquq mana kamäpakuntsitsu. Payta chaskikurmi itsanqa payman yäraquq kashqanta mushuq kawayta chaskintsu.

Quechua de Margos-Yarowilca-Lauricocha

Hebreos 10.24–25

Kuyanantsipaq y alikunata ruranantsipaq juknintsu juknintsu shakyätsinakushun. Wakin wawqi panikuna juntakayta qelanaptinpis noqantsiqa ama qelanäshuntsu. Jesucristo kutimunantsipaq kashqanta musyaykarqa shakyätsinakunantsipaq imaypis juntakäshun.

Räyu 4: Wilakushun

Tayta Diosman yäraquq runaqa Diospa wilakuyninta runa mayinta wilapanmi.



Tayta Diosman yäraquq runa mayintsita wilapantsi paykunapis Jesucristuta chaskikunantsipaq. Chaskikur kushikuypin noqantsipis kushikuntsi y Tayta Diosman masmi yäraquq.

Santiago 2.14

Kuyay wawqi panikuna, "Tayta Diosmanmi yäraquqä" nirpis pay munashqanno mana kawapantsiqa ¿imapaqtaq yäraquqantsipis välin? Tsayno kawaq runakunataqa Tayta Dios manami salvanqatsus.

Ruédacho räyu mana kaptincha éji mayjina jirururpis manami ruédata tumatsintsu. Tayta Diosman yäraquq runa cäsukur kawanantsipaq chuskumi räyukuna kaykan.

Räyu 1: Palabranta yachakushun

Tayta Diosman yäraquq runaqa paypa palabrantami yachakun.



Tayta Diosmi palabrancha tantiyatsimantsi pay pi kashqanta y imano kawanantsipaq kashqanta. Tsaymi palabrantata mana yachakur mana musyantsitsu imano payta cäsukunantsipaq kashqanta.

2 Corintios 5.17

Pipis Jesucristucho karqa mushuq kamashqa runanami kaykan. Unay kawayqa pasashqanami. Kananqa lapanpis mushuqnam kaykan.

Gálatas 2.20

Noqaqa Jesucristuwan cruzcho wanushqanömi kaykä. Manami noqanatsu kawä, sinöqa Jesucristumi noqacho kawan. Tsaymi Tayta Diospa Tsurinman yarakur kawaykä. Paymi kuyamashpanti noqantsi rayku wanurqan.

Äru: Dios munashqanno kawashun

Tayta Diosman yäraquq runaqa pay munashqannömi kawan.



Jesucristuta chas-kikushqa karqa paypa makinchönami kaykantsi. Tsaymi yarpachakuntsi ima rurashqantsipis, parlashqantsipis y yarpashqantsipis pay munashqanno kananpaq.

2 Timoteo 3.16

Tayta Diospa palabrancho lapan qelqaraykaqkunaqa Tayta Diospa yarpayninkunami kaykan. Tsaymi ali kaykan yachatsinantsipaq, tantiyatsinantsipaq, corriginantsipaq y Tayta Dios munashqanno kawanantsipaq.

Räyu 2: Tayta Diosta manakushun

Tayta Diosman yäraquq runaqa paytami manakun.



Tayta Diosta manakurmi imata yarpashqantsitapis wila-pantsi. Tsaynöpis alabantsi, perdonta manakuntsi, agradecikuntsi y wakintapis yanapananpaq ruwakuntsi.

Efesios 6.18

Imay hörapis Espíritu Santu tantiyatsishushqaykino Tayta Diosta manakäriy. Mana ajayypa imaypis ruwakäriy. Yäraquq mayikikunapaqpis mana qonqaypa manakäriy.

Romanos 1.16a

Noqa manami penqakütsu Tayta Diospa ali wilakuyninta wilakur. Tsay wilakuyqa Tayta Diospa poderninmi kaykan lapan chaskikuqkunata salvananpaq.

Motor: Tayta Dios yanapamashqantsi

Ruédapa cúbun, ärun y räyunkuna kaptinpis motor mana kaptinqa manami ima fuerzapis kantsu ruédata tumatsinanpaq. Tsaynölämi Tayta Dios mana yanapamaptintsiqa pay munashqanno kawayta mana kamäpakuntsitsu.

Gálatas 5.16

Tsaymi kayno ni: Espíritu Santu tantiyatsishush-qaykino kawapäkuy. Tsayno kawarqa manami shonquyki munashqanno jutsata rurapäkunkipaqtu.

San Juan 15.5b

Noqawan mana juklaylano kawarmi itsanqa ima ruraytapis kamäpakärinkitsu.

Filipenses 2.13

Pay munashqanno kawapäkunaykipaq kikinmi shakyätsishunki y poderta qoshunki.

Filipenses 4.6-7

Imapaqpis ama lakikäriytsu. Tsaypa trukanqa Tayta Diosta agradecikur lapanchöpis yanapashunaykipaq manakäriy. Tsayno manakäriptikimi Tayta Dios ali kawayta qoshunki. Paymi shonquykitapis yarpaynikitapis cuidanqa Jesucristuman yarakur mana lakikärinaykipaq. Tsaymi imanir kushishqa kawashqaykita pipis mana tantiyantatsitsu.

Räyu 3: Juntakäshun

Tayta Diosman yäraquq runaqa yäraquq mayinkunawanmi juntakan.



Yantata ninapita jorquptintsi upish-qannömi noqantsipis yäraquq mayintsi-kunawan mana juntakar qasakashqano rikakuntsi. Junta-karmi itsanqa shumaq yäraquanantsipaq shakyätsinakuntsi.